

# SPE Lancar Program *Go Green*

Oleh: Nur Shazana Mohd Nor



Barisan AJK yang terlibat dalam menjayakan Program Go Green ini

ISNIN, 1 APRIL - Satu program kitar semula telah diadakan di Foyer SPE melibatkan pelajar-pelajar sekolah tersebut dibawah organisasi HE06 Green Team. Program ini dijalankan secara berkala untuk mewujudkan budaya kitar semula khususnya dalam kalangan pelajar SPE.

Rano Karno Ak Kedit sebagai penyelaras program tersebut mengatakan program itu fokus pada alam sekitar dengan mengitar semula barang-barang terbuang yang boleh menyebabkan pencemaran.

Aktiviti-aktiviti yang telah dilakukan untuk program tersebut seperti kutipan kertas terbuang daripada pensyarah dan juga pelajar, menyediakan tong sampah kitar semula di SPE serta menyediakan aktiviti kepada pelajar iaitu menghias beg kitar semula dan sebagainya.

Menurutnya, satu organisasi telah ditubuhkan di bawah Kelab Pengurusan Kewangan dan Perbankan dinamakan "HE06 Green Team" yang mengutamakan kepada alam sekitar dan organisasi ini akan menguruskan setiap program yang telah dirancang.

Barang yang dikutip akan dihantar ke kilang untuk diproses dan program ini akan berterusan setiap semester. Selain kertas yang diberi keutamaan, plastik dan tin juga dikutip untuk dikitar semula.

Menurut Rano, program tersebut boleh dikatakan mendapat sambutan yang menggalakkan dari pelajar SPE dengan menyertai aktiviti-aktiviti yang disediakan semasa program berlangsung.

"Setakat ini dalam perancangan kami ada untuk melibatkan semua sekolah memandangkan masih baru dan banyak proses perlun dibuat jadi kami fokus pada pelajar SPE dulu dan fokus pada kertas dahulu kemungkinan semester seterusnya akan melibatkan sekolah lain juga atau untuk seluruh UMS," kata Rano.

"Saya berharap organisasi ini adalah sebagai langkah permulaan untuk kelab-kelab yang ada di UMS yang mengutamakan kepada alam sekitar dan usaha kami ini juga untuk menyokong UMS sebagai "Eco Campus".

Penyelaras program kitar semula Rano Karno Ak Kedit, 23, Pengurusan Kewangan dan Perbankan Tahun Dua.